



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tribunal Poenitentiæ Sev Libri Dvo Prior De Poenitente Ut
Reo Posterior De Confessario Ut Judice**

Stoz, Matthäus

Anno M.DC.LXXXIX.

Art. I. De approbatione Confessarii.

urn:nbn:de:hbz:466:1-37144

nimirum & solvendi; ad cuius rectum usum ferè duo sunt adhuc necessaria: Approbatio, & Jurisdiction.

ARTICULUS I.

De Approbatione Confessarij.

29. Judicium aptitudinis ad confessiones audiendas noluit Ecclesia proprio Sacerdotis arbitrio relinquere, sed Episcoporum discretioni reservavit Concil. Trid. *Sess. 23. cap. 15. de reform.* ubi sic loquitur: Quamvis Presbyteri in sua ordinatione à peccatis absolvendi potestatem accipiant, decernit tamen sancta Synodus, nullum etiam Regularem, posse Confessiones sacerdotalium, etiam Sacerdotum, audire, nec ad id reputari idoneum, nisi aut parochiale beneficium habeat; aut ab Episcopis per examen, si illis videbitur necessarium, aut alias idoneus judicetur; & approbationem, quæ gratis datur, obtineat; privilegijs aut consuetudine quacunque, etiam immemorabili, non obstantibus. Pro cuius Decreti intelligentia ante oculos habenda sunt, quæ sequuntur. Itaque

30. I. Approbatio non est collatio Jurisdictionis seu potestatis absolvendi à peccatis, sed est authenticum testimonium de aptitudine ad Jurisdictionem recipiendam; includitque duos actus ex parte approbantis; unum internum, judicium scilicet probabile de personæ scientia, prudentia &c. Alterum externum, signum scilicet aliquod Judicij illius verbo vel scripto (nihil enim certi præscriptum est) prolatum.

31. II. Sanch. l. 6. de Matrim. D. 28.
n. 20. Coninch. de Sacram. D. 8. d. 7. n. 4.

existimant, approbationem essentialiter requiri ad collationem jurisdictionis, adeò ut è deficiente nulla sit jurisdiction, & consequenter etiam nulla absolutio: probantque id tum auctoritate Cardinalium, qui sic dicuntur declarasse mentem Concilij: tum communis stylo juris, quo invalidum censetur, quod dicitur fieri non posse: tollitur enim potestas, sine qua actus, praetertim judicialis, est nullus: Concilium autem dicto loco expressè ait, sine approbatione confessiones audiri non posse.

32. Verùm alij censent, ea verba continere duntaxat sensum merè prohibitum, ne quis audiat confessiones priùs, quam sit approbatus; non autem, si securus fiat, sensum irritativum, cum nulla in ijs sit clausula irritatoria: quam utique Concilium in re tanti momenti non omisisset, si voluisset irritare; sicut *Sess. 24. cap. 9. de reform.* matrimonia clandestina expressè irritavit. Quapropter terminus ille non semper est irritarius; siquidem stylo juris dicitur, id fieri non posse, quod licet & jure fieri non potest: ut pluribus in materia de legibus hac super re disceptratur. Declarationes Cardinalium quando non sunt authenticè promulgatae, voluntilli, non habere vim obligandi, & tales etiam esse præsentes. Unde si quis bona fide existimaret, approbationem non esse necessariam, & audiret tamen confessiones, hæc quidem juxta istos nihilominus valeret, quamvis peccaret, qui scienter eas exciperet, nondum legitimè approbatus: nec à peccato immunis esset, qui etiam scienter confiteretur non approbato; nisi haberet expressum privilegium eligendi Confessarium, quem vellet. Ita quidem

B 2

olim

olim discurrere licuit. Sed nōc post declarationem S. D. N. Alexandri VII. particula illa *Non potest omnino accipienda est in sensu verē irritativo*, ita ut invalidē conferatur Jurisdictio illi, qui non est approbarus.

33. III. Est autem hæc Approbatio omnibus Confessarijs necessaria, exceptis paucis, quales sunt I. Parochi, quos Concilium ipsum excipit: hoc enim ipso, quod ab Episcopo cura animarum illis committatur, hujus Sacramenti administratio tanquam præcipue ad eam curam pertinens committitur: atque adeò implicitè ad confessiones audiendas approbantrur. Aliæ est ratio Sacerdotum simplicium, quos Parochi interdum Cooperatores adsciscunt, indoctos, vel improbos. Cūmigitur hucus adlegendi Cooperatorem, adimi non posse, quippe frequenter necessarium in magna populi multitudine, cui Parochus sufficere nequit: ne quoslibet assumeret, vetuit eligi, nisi eos, qui essent approbati. II. Confessarij Religiosorum: siquidem Concilium suam ordinationem restrinxit ad confessionem sacerdotalium. Unde possunt Religiosi cuilibet non approbato, quantum est ex vi hujus Decreti, confiteri: præterquam Moniales, quorum Confessarij ex speciali Gregorij XV. constitutione indigent approbatione Ordinarij. Ratio verò excipiendi Regulares fuit, tum quod præsumeret Ecclesia, Religiosos non habere conscientias tam intricatas, ut Medico admodum perito opus haberent: tum quod consideret, Prælatos ipsos sat' pro ea, quam in suos gerunt, cura & solitudine provisuros de idoneis Confessariis. III. Confessarij illorum, qui non adferunt, nisi peccata venialia, in qua-

quilibet Sacerdos habet Jurisdictionem, & hoc ipso Approbationem præsuppositam: neque fuit opus facere deleatum. Judicium in causa tam levi, modò Confessorius vel pœnitens tam doctus sit, ut sciat esse veniale. Eodem modo excipiuntur peccata jam alijs confessa, & ritè absolvuta. Excipiunt aliqui IV. etiam Doctores vel Licentiatos in Theologia, vel Jure Canonico, quibus publicum Universitatum testimoniūm judicant sufficere, idque sibi videntur colligere ex verbis Concilij disjunctivè loquentis: *vel ab Episcopo per examen, vel alias idoneus judicetur*; &c. ubi particulam *alias* putant significare alios approbatores. Sed Dian. p. 8. tr. i. Ref. 86. V. Octavus. & Laym. l. 5. tr. 6. c. ii. n. 5. hos meritò refellit: nam sèpe in speculativis eruditissimi, in practicis nihil sciunt, vel si hæc didicerint, carent iudicio: unde meritò censentur indigere approbatione.

34. IV. Petenda est approbatio ab Episcopo: huic enim eam potestatem tribuit Trident. l. c. Nomine autem Episcopi intelliguntur etiam Prælati, habentes jurisdictionem quasi Episcopalem in seculares; item Capitulum sede vacante; ad hoc enim tunc tota Episcopalis jurisdictione præter paucos quosdam casus à jure specialiter exceptos, devolvitur juxta Cap. 14. de Majorit. & obed. Eodem tamen nomine non veniunt Provinciales aut Generales Ordinum. Fagund. in 2. precept. l. 7. c. 2. n. 57. sufficit autem, si Episcopus per alium, v. g. suum Vicarium Generalem, aut alium, cui id commiserit, approbaverit.

35. Verum Religiosis præter approbationem Episcopi (cui etiam exempti hac

hac in parte subjiciuntur) ad capacitatem Jurisdictionis necessaria est Superioris deputatio ad audiendas confessiones, ut indicatur Clement. *Dudum de sepult.* Extrav. *Super cathedram. codem.*

36. V. Sed à quonam Episcopo petenda est approbatio? an ab Episcopo confessarij? vel pœnitentis? Illud prius placet. *Filliuc. tr. 7. c. 9. n. 26.* Bonac. *cit. D. 5. q. 7. p. 4. §. 1. n. 15.* eò quod sit actus jurisdictionis, vel certè auctorativa declaratio: & ideo facienda ab habente jurisdictionem in approbadum. Quoniam autem, qui approbandus est, tæpe plures habet Episcopos, unum beneficij, alterum domicilij, tertium originis; Quis istorum approbabit futurum confessarium? Sed his tricis non est opus: et si enim approbatio sit actus jurisdictionis, non tam illius, quam contentiosam vocant, sed voluntariæ, cui quisque in favorabilibus subjecere se potest, licet alias non sit subditus. Et ideo Henrig. *L. 7. c. 12. n. 4.* & alij apud Fagund. *L. 9. c. 2. n. 88.* docent, quemlibet à quolibet Episcopo approbari posse; cum Concilium Trident. nihil determinarit: & certè praxis religiosorum haberet, ut ab ijs Episcopis, à quibus ordinantur, approbentur, licet non sint eorum Episcopi, nec in istorum Diœcesi habitent, nec Episcopi illis denegent, nihil dubitantes de sua potestate.

37. VI. Neque sufficit præcisè petere approbationem, sed necessarium est, eam etiam obtinere. *Lugo de pœn. D. 21. f. 3. n. 50.* *Fill. n. 257.* & alij. Sumitur ex illis Concilij verbis: *& approbationem, quæ gratis datur, obtineant.* Spectat hoc etiam ad Regulares Mendicantes, qui, ut videre

est apud Laym. *l. 5. tr. 6. c. 11. n. 4.* & Dian. *p. 3. rr. 2. R. 24.* olim poterant, si injustè ab Episcopo fuerunt rejecti, exponi ad Confessiones audiendas; nunc tamen post Decretum Alexandri VII. id non amplius licet. Etsi autem id Decretum loquatur solùm de annua paschali confessione facta religioso non approbato; spectare tamen id ipsum etiam ad reliquas Confessiones, mihi non est dubium propter paritatem.

38. VII. Approbatus ab uno Episcopo poterat olim in alia diœcesi sine nova approbatione recipere jurisdictionem, hodie tamen post decretum Urbani VIII. quod refert Lugo *D. 21. f. 2. n. 29.* & constitutionem Innocentij X. contrarium omnino tenendum est. In eadem tamen diœcesi potest semel approbatus à quocunque, qui eam dare potest, recipere jurisdictionem.

39. VIII. Approbatio semel collata semper durat, etiam post mortem approbanitis, donec revocetur; sed revocari non potest nisi justa causa, & quidem juridice probata, exigat; alioqui revocatio est invalida juxta Cap. 13. de etat. & qualit. ordinand. quia per approbationem jus verum est acquisitum, quo nemo sine justa causa privari potest. Laym. *n. 6.* *Fill. à n. 256.* Et ideo peccant Episcopi, si eam sine superveniente nova causa revocent. Qualis est v. g. si accedat morum improbitas, mutatio judicij, scientia &c. Laym. *n. 3.* Hinc si talia cum tempore emergant, possunt, præsertim à successore Episcopo ad examen revocari non tantum seculares, sed etiam regulares. *Lugo n. 61. & 62.*

40. IX. Quod demum attinet ad examen, potest is, cuius est approbare, il-

P. S.
Tribu
Poenit
E
lud remittere, ut clare indicant verba Concilij supra n. 30. recitata, si videlicet ipsi aliunde satis cognita sit aptitudo approbandi. Certè Episcopi Germaniae ferre omnes, teste solertissimo P. Georgio Gobat in Alphab. Confess. religiosos minima nostræ Societ. ad hanc incudem non trahunt, rati sufficere tot & tam rigida examina, quæ illi subire debent prius, quam ad sacrum presbyteratus ordinem promoveantur, ex quibus meritò approbator præsumere potest, non mitti à nostris superioribus nisi idoneos; ac proinde securus esse in conscientia, et si ipse experimentale judicium de hac aptitudine ferre nequeat.

ARTICULUS II.

De Jurisdictione Confessarij.

41. Ad Absolutionem à peccatis necessaria etiam est in Sacerdote Jurisdiction, ut constat ex Concil. Florent. in litt. Union. & Trid. sess. 14. cap. 7. Ratio, quia Absolutio à peccatis juxta institutionem Christi est actus judicialis; ergo absolvens aliquem debet necessariò in eum, tanquam in subditum, habere Jurisdictionem. Hæc autem Sacerdotibus non confertur vi suæ Ordinationis, in qua accipiunt quidem potestatem remittendi, & retinendi peccata, Joan. 20. Sed potestas ista est tantùm aliqua capacitas & habilitas, quæ possunt, superveniente Jurisdictione, absolvere eos, qui ad ipsos veniunt. Dicast. de Pœnit. Diff. 10. n. 81. Sicut Doctor aut Licentiatus Juris vi sui gradus & doctrinæ non habet Jurisdictionem, sed tantùm capacitem, ut jurisdictionem accipiat, eaque acceptâ

causas ad se deferendas validè decidat. Quare non rectè sentiunt, qui potestatem ordinis confundunt cum potestate Jurisdictionis; Illa enim convenit omnibus Sacerdotibus, & æqualiter se in omnibus extendit ad omnia fidelium peccata. Laym. l. 5. tr. 6. cap. 10. n. 2. neque amplius tolli potest; Ista autem opposito modo se haberet.

42. Jurisdiction, prout hic non pro potestate gubernativa, sed tantum pro potestate administrativa Justitiae sumitur, est potestas causâ cognita dicendi Jus & ferendi sententiam. Ut autem hæc definitio præsenti materia magis applicetur, addi potest: in foro interno ad peccata solvenda vel liganda. Unde etiam claram est, quantum differat ab Approbatione Episcopi, quam sup. n. 30. definitivimus.

§. I.

De Jurisdictione Confessarij dupliciti; & in primis de Ordinaria.

43. Jurisdiction modò explicata est duplex. Altera ordinaria; altera delegata. Illa est, quæ alicui competit ratione proprij officij, quod gerit: & confertur hoc ipso, quod ei officium, cui est annexa, committatur tanquam proprium. Ista verò est, quæ alicui non ex proprio officio, sed tantum ex commissione alterius competit. Hæc porro commissio fieri potest directè vel indirectè. Directè fit, cùm immediatè ipsi Sacerdoti tribuitur Jurisdiction, sive jam per generalē dispositionem Juris, sive per specialē concessionem hominis, sive per con-